

ISUMAQATIGIISSUMMUT TAPILIUSSAQ 2021

Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissutaannut 27. maj 1997-imeersumut

1. Suluppaagaq¹

Illuatungeriit naalagaaffiit sineriiallit siunnersuutaannut NEAFC-p akuersisimanera iluarisimaarpaat, Irmingerip imartaani 2021-mi suluppaakkanik aalisartoqassanngitsoq, taaamaattorli 2020-mi Irmingip imartaani imartanilu qanittuaniittuni suluppaakkanut ikerinnarsiortunut tunngatillugu aqutsineq pillugu isumaqatigiissummut NEAFC-mi ilaasortat tamarmik ilanngutsinnissaat iluatsissimanngitsoq ilaasortat ernumassutigalugu oqaatigaat. Sivisuumik attanneqarsinnaasumik aaqiinerit, tassa ilaasortat tamarmik aalisarnermut peqataasut aqutsinissamut pilersaarummut ataatsimoorussamut ilanngunnissaat ilaasortat ataatsimoorlutik anguniarusuppaat.

2. Ammassassuaq Atlanto-skandisk

Ammassassuarnik Atlanto-skandiskinik Savalimmiut 2021-mut pisassiissutaanni Kalaallit Nunaat 6.500 tonsinik pissarsivoq. Aalisakkallu taakku, tamanna kissaatigineqassappat, Savalimmiut aalisarsinnaatitaaffiini kalaallit aalisarsinnaassavaat Savalimmiunullu tulaallugit. Savalimmiut imartaani aalisarneq titarnerniit tunngavinniit 12 sømilit avataannut 62°30'N-illu avataanut killilerneqarpoq. Pisassiissutit nunat tamalaat imartaanni kalaallit angallataannit aamma aalisarneqarsinnaapput.

3. Saarullernaq

Savalimmiut Kalaallit Nunaata 2021-mi Savalimmiut imartaani saarullernanik 14.700 tonsinik aalisarsinnaanissaanut piginnaatippaa.

3.1 Savalimmiut killeqarfiani saarullernanik Kalaallit Nunaata aalisarsinnaanera

NEAFC-p 2021-mut saarullernanut tunngatillugu malittarisassiai innersuussutigalugit, Savalimmiut kalaallit angallataasa 2021-mi Savalimmiut imartaani saarullernanik 5.032 tonsinik aalisarsinnaanerannik piginnaatitsivoq.

Savalimmiut imartami aalisarnikkut oqartussaaffigisaani saarullernat NEAFC-mi pisassiissutigineqartut kalaallit umiarsuaannit aalisarneqarpata, tamanna Savalimmiut Aalisarnermut Nakkutilliiviannut aamma Kalaallit Nunaanni Aalisarsinnaanermut Akuersissutinik Nakkutilliisoqarfirmut pisanik nalunaaruteqarnermi immikkut ittumik ilisimatitsissutigineqassaaq.

4. Kalaallit Nunaata imartami aalisarnikkut oqartussaaffigisaani Savalimmiormiut aalisarnerat

Savalimmiormiut Kalaallit Nunaata avannaata kitaata avataani qaleralinnik 100 tonsinik aalisarnissaannik Kalaallit Nunaata pisinnaatippai.² Kilisaatersorluni aamma/imaluunniit ningittakkanik aalisartoqarsinnaavoq. Aalisarneq Kalaallit Nunaata kitaani 68°00'N-ip avannaani pisussanngorlugu killilerneqarpoq.

¹ ”Shallow pelagic *Sebastes Mentella*” aamma ”Deep pelagic *Sebastes Mentella*”.

² Kalaallit Nunaata kitaani Savalimmiormiut qaleralinniarnissaannut piumasaqaatit ilanngussami 3-mi nassuiarneqarput

Savalimmiormiut Kalaallit Nunaata kangiaata avataani qaleralinnik 225 tonsinik, saarullinnik 350 tonsinik tinguttuunillu Tunup avataani 100 tonsinik aalisarnissaannik Kalaallit Nunaata pisinnaatippai. Aalisarneq taanna savalimmiormiut kilisaataannit aamma/imaluunniit ningittagarsuutaannit amerlanerpaamik pingasuusunit ingerlanneqarsinnaavoq.

Savalimmiormiut Kalaallit Nunaata kangiani saarullinnik 2.150 tonsinik aamma tinguttuunik 375 tonsinik Tunumi aalisarnissaannik pisinnaatippai³.

Tamatuma saniatigut Savalimmiormiut Kalaallit Nunaata kangiani misileraalluni saattussanik aalisarnissaanut Kalaallit Nunaata pisinnaatippai. Saattussat annertunerpaamik 500 tonsit pisarineqaqusaapput.

Tamatumalu saniatigut Savalimmiormiut misileraalluni saarullinnik aalisarnermi peqataanissaanut Kalaallit nunaata akueraa, aammalu immap naqqani Tunup avannaani uumasut Naalakkersuisut sinaakkutitut aalajangersagaasa iluanni .

4.1 Tunumi raajartassiissutit atorneqanngitsut nuunneqarnerat

Kalaallit Nunaata Savalimmiormiut pisinnaatippaat raajanik itisoormiunik atorneqanngitsunik tunumi aalisarsinnaanissaanut, ulloq 31. December 2020 Savalimmiormiut oqartussaannut piginnaatitaasunut qinnuteqarnikkut ukiup tullianut nuussinissamik, annerpaamilli aalisarnermut akuersissutip aallaqqaataanilli annertussusiata 5-tia, ilisimatuussutsikkut siunnersuinerup nuussisnaannissaq periarfissaqartippagu. Ukiup tullinut pisassat nuunneqartut kingusinnerpaamik 30. April ukiup tulliani pisarineqareersimassapput.

5. Isumaqatigiissuteqartut imartani aalisarnikkut oqartussaaffigisaminni illugiillutik misileraalluni aalisarnerat

Isumaqatigiissuteqartut akunnerminni imartami aalisarnikkut oqartussaaffigisaminni misileraallutik aalisarsinnaanertik isumaqatigiissutigaat.

Misileraalluni aalisarnissat aaqqissuunneqartut aalajangersimaqqissaartut pisassiissutinik paarlaannertut taaneqassanngitsut isumaqatigiissuteqartut isumaqatigiissutigaa. Taamaalilluni aaqqissuussinerit siunissami pisassiissutinik paarlaasseqatigiittarnissamik isumaqatigiissutinik tunngavissanik pilersitsissanngitsut piumasaqaatigineqarpoq.

Savalimmiuni Naalakkersuisut aalisarsinnaanermut akuersissutinik nakkutilliisoqarsinnaanermut aamma Kalaallit Nunaanni Naalakkersuisut paasissutissanik katersinissamut piumasaqarsinnaanermut imminnut pisinnaatipput. Misileraalluni aalisarnermit paasissutissanik katersineq angallatinit imaluunniit aalisarsinnaanermut akuersissutinik nakkutilliisunit suliarineqassapput. Paasissutissanik katersorneqartunik taama tulleriisillugit Savalimmiuni Naalakkersuisut aamma Kalaallit Nunaanni Naalakkersuisut akornanni paarlaasseqatigiittoqartassaaq.

Angallatit allattaaviani paasissutissat kiisalu misileraalluni aalisarnermit nalunaarusiat misileraalluni aalisarnerup qaangiunnerani taama tulleriisillugit Savalimmiuni Naalakkersuisunut

³ Tunimi kitaatalu kujataani Savalimmiormiut saarullinniarnissaannut piumasaqaatit ilanngussami 3-mi nassuiarneqarput

aamma Kalaallit Nunaanni Naalakkersuisunut nassiunneqassapput.

6. NAFO-mi sumiiffimmi 3M-imi raajat (Flemish Cap)

Sumiiffimmi 3M-imi raajarniarneq 2020-imi ammaqqissimasoq isumaqatigiissuteqartut paasisimavaat. Isumaqatigiissuteqartut aalisarnissamut periarfissat illugiilluni atorneqarnissat pillugit oqallinnerup nangeqqinnissaanut piareersimapput, taannalu tullinnguuttumi nassuiarneqarpoq:

”Savalimmiormiut pisariaqartitsilissagunik Flemish Capimi ullunik aalisarfiussanik taarsigassarsiumasinnaaneranut Kalaallit Nunaat piareersimassaaq. Savalimmiut nammineerlutik Savalimmiuni aalisakkanik aalisanngisaminnik Kalaallit Nunaata atorluaasinnaaneranut ammaniarpoq.

Ullunik aalisarfiusunik atukkiineq siunissami ullunik aalisarfiussanik agguassinissamut sunniuteqassanngilaq..”

7. Savalimmiut Kalaallit Nunaata imartaani ammassanniarnarat

Kalaallit Nunaat ammassannik sippoqassagaluarpat, Savalimmiut Umiarsuaatileqatigiiffiisa peqatigiiffiat iluanaaruteqarluni nuussisinnaaneq pillugu ilisimatinneqassaaq.

Savalimmiut Islandip imartaani ammassattassaasa 50 %-ii Kalaallit Nunaata imartaani aalisarsinnaavaat. Aalisariutit sapaatit akunneranut nalunaarutaanni (pisanik nalunaaruteqarneq) allassimassapput aalisarnermi pisat EU-mik isumaqatigiissummeersuunersut, Islandimut pisassiissutaanersut pisassatut pisiaanersulluunniit.

8. Kalaallit Nunaata sineriaata qanittuani tunisineq

Kalaallit Nunaata sineriaata qanittuani saarullinniarnermi pisat nunami aalisakkeriviit malinnaasinnaajunnaartillugit amerlavallaalerpata, umiarsuit aalisakkerivillit Savalimmiuneersut tunitsiviliunneqarsinnaapput.

Taassuma saniatigut Kalaallit Nunaata misissussavaa Savalimmiut aalisariutaat Tunumi aalisakkerivinnut tunisisinnaanersut.

9. Irmingerip Imartaani suluppaakkat amerlassusaannik naatsorsuinerit.

Isumaqatigiissuteqartut Irmingerip Imartaani suluppaakkat amerlassusaannik nunat tamalaat naatsorsuinerannut peqataaqatigiinniarnissaq anguniassallugu isumaqatigiissutigaat. Isumaqatigiissuteqartut aalisakkat pillugit misissuinerit allanut siuarsaanissamut suleqatigiissapput.

10. Pisat pillugit paasissutisseeqatigiittarneq

Kalaallit Nunaanni Aalisarsinnaanermut Akuersissutinik Nakkutilliisoqarfik Savalimmiunilu Aalisarsinnaanermut Akuersissutinik Nakkutilliisoqarfik Kalaallit Nunaata Savalimmiullu imartaanni pisassiissutinik siuliani taaneqartunit pisat pillugit imminnut ilisimatittarnissamut pisussaaffeqarput. Tamanna atuupportaaq Kalaallit Nunaat sumiissuseq apeqqutaatinnagu ammassassuarnik atlanto-skandiskinik pisaqarpat. Nalunaarutit marlungornerit tamaasa sumiiffimmi nalunaaqutaq malillugu kingusinnerpaamik nal. 16.00 nassiunneqartassapput.

Kalaallit Nunaata aalisariutai aalisakkanik qerisunik Kitaani pisanik Savalimmiuni nuussiniarunik

usingiarniarunilluunniit, tamanna pillugu sioqqutsilluni nalunaaruteqaqqaassaaq.

Isumaqatigiissuteqartut 2021-imi misiligutitut allat immikkoortuini pisat aalisarnerillu pillugit paasissutissat elektroniskiusunik paarlaasseqatigiittassapput. Qarasaasiatigut (elektronisk) nalunaaruteqartarnissamut isumaqatigiissusiornissamut atatillugu 2021-ip ingerlanerani Kalaallit Nunaanni Savalimmiunilu oqartussat eqqortut oqaloqatigiissasut isumaqatigiissuteqartut isumaqatigiissutigaat.

11. Nunat immikkoortuini aalisartut kattuffiisa suleqateqatigineqarnerat

Isumaqatigiissuteqartut isumaqatigiissutigaat nunat immikkoortuini aalisartut kattuffii immikkut sinniisoqartinneqarnissaat sulissutigissallugu.

12. Suleqatigiinneq

Isumaqatigiissuteqartut isumaqatigiissutigaat nunat taakku marluk aalisarnermut suliffeqarfiisa akornanni iluanaaruteqarnerulernissamut suleqatigiilernissaannut kaammattussallugit. Tassunga atatillugu isumaqatigiissuteqartut isumaqatigiissutigaat suleqatigiinnerup allartinnginnerani aalisarsinnaanermullu akuersissutit tunniutinnginnerini oqaloqatigeqqaassallutik.

13. Isumaqatiginninniarnep tullissaa

Isumaqatigiissuteqartut isumaqatigiissutigaat nunat illugiillutik isumaqatiginninniarnepit tullinnguuttut december 2020-p aallartisimalaarnepi pissasut. Piffissaq sumiiffillu kingusinnerusukkut isumaqatigiissutigineqarumaarput. Kalaallit Nunaat isumaqatiginninniarnepi aqutsisoorusuppoq:

14. Akuersineq

Isumaqatiginninniarnepi angusat oqartussanut pineqartunut saqqummiunneqassapput taakkulu inaarutaasumik akuersissuteqarnissaat apeqqutaassallutik.

Tòrshavn aamma Nuuk 7. December 2020

Savalimmiut

Kalaallit Nunaat

Andras Kristiansen
Immikkoortortami pisortaq
Fiskeriministeriet

Katrine Kærgaard
Siunnersortinut pisortaq
Aalisarnermut, Piniarnermut Nunalerinermullu
Naalakkersuisoqarfik

Savalimmiuni naalakkersuisut

Namminersorlutik Oqartussat

Ilanngussaq 1 Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissutaannut 27. maj 1997-imeersumut tapiliusseq 2021-imeersoq

OQALUUSERISASSAT

**Kalaallit Nunaata Savalimmiullu
aalisarneq pillugu 2021-mut isumaqatigiissummut tapiliusseq pillugu
ataatsimiinnerat**

1. Tikilluaqqusineq
2. Oqaluuserisassat akuerineqarnerat
3. 2020-imi aalisarneq pillug oqallinneq
4. Uumassusilerituut siunnersuinerat
5. Aalisarnermut maleruagassat nutaat pillugit paasissutissat
6. Apeqqutit aqutsinissamut nakkutilliinissamullu tunngasut
7. 2021-mut pisassiissutininik paarlaasseqatigiinneq
8. Aalisakkanik ataatsimoorussanik aqutsinerit
9. Nunap sumiiffiini aqutsinissamut kattuffiit suleqatigiinnerat
10. Tamalaat

Ilanngussaq 3 Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissummut 27. maj 1997-imeersumut tapiliussaq 2021-imeersoq

Kitaani qaleralinniarnermut piumasagaatit

Aalisarnermi misiligutitik tiguisarnissaq piumasagaataavoq. Sapaatip akunneranut marloriarluni qalerallit 150-it uuttorneqartassapput.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Rasmus Nygaard imaluunniit qarasaasiatigut rany@natur.gl

Tunumi kujataatalu kitaani 2021-imi saarullinniarimi piumasagaatit

Aalisarnermi misiligutitik tiguisarnissaq piumasagaataavoq. Sapaatip akunneranut marloriarluni qalerallit 150-it uuttorneqartassapput tassungalugu atatillugu, sissiat 20-it tiguneqassapput, takissuseq, oqimaassuseq suaassuserlu ilanngullugit.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Anja Retzel, imaluunniit qarasaasiatigut uunga anre@natur.gl

Aalisarneq aqutsiveqarfimmi kitaata kujataani aamma aqutsiveqarfimmi tunup kujataani ingerlanneqassaaq. Kleine Banke eqqaani 1. martsimiit 31. majimut aalisarneq matoqqassaaq.

Takussutissiaq: Aqutsiveqarfiit tak. Tunumi Kujataanilu saarullinnik aqutsinissamut pilersaarut

